

文殊師利佛土嚴淨經
上

八十六
服五

47640



元祿九年丙子二月日重脩

皇圖翠閣 帝階綴呂

佛日增輝 懋輪常轉

山城州天安寺法金剛院置

文殊師利佛土嚴淨經卷上

西晉三藏竺法護譯

服

聞如是一時佛遊王舍城靈鷲山與大比丘
十萬衆俱及諸菩薩八万四千皆不退轉無
所從生逮得權慧神通無極隨時而化救濟
三界其名曰文殊師利光世音大勢至諸菩
薩等咸來雲集七十二億諸天子俱皆志大
乘四天王帝釋梵天王各與四万二千諸釋
梵俱悉慕大道四方阿須倫王難頭和難龍
王和倫龍王娑竭龍王摩那私龍王持地龍
王阿耨達龍王山積龍王降魔龍王上月龍
王如是龍王各從其民六万二千金比鬼神



曠野鬼神妙毛鬼神普等鬼神善普鬼神善財鬼神普像鬼神無諍鬼神是諸鬼王各與等類百千衆俱來詣佛所皆各稽首以次就位悉都專精志願經道飢虛於法身口意并加敬歸佛靜心而聽今時國王太子大臣百官長者居士民衆大小天龍鬼王咸共供養隨其所安時佛明旦著衣持鉢與大衆俱天龍鬼王侍從左右上虛空中四種蓮華紛紛如雨百千妓樂不鼓自鳴皆作釋梵雅頌八聲詣阿闍貫王就之請佛顯神足光照十方七寶蓮華隨跡處生有化菩薩皆坐其上光像分明不可稱說遶城七帀而歎頌曰

其導師至神

所愍哀無量

方便護眾生

消病愈諸瘡

能仁無所著

心寂善調和

彼吼護世明

今日欲入城

其意已解脫

度生老病死

諸天眾集會

各懷欣樂志

其心甚堅強

降魔并官屬

釋師子至聖

尊導已來到

壞世眾不消

至真音難致

甚猛能制御

行道億千劫

意抱大慈悲

普護於一切

今日真正覺

當入王舍城

本所行布施

難量無崖底

衣食眾寶乘

無復有計限

惠所愛男女

妻室及國界

今彼釋師子

欲入國王宮

宿世施手足

頭目及耳鼻

普惠無所逆

不貪悋重珍

摠攝衆功勳
得入一切智
護戒無缺漏
持功勳無量
於百千億劫
心未曾懈倦
音聲越梵天
無限不可量
人中寶如是
嚴淨至尊慧
逮無退道明
所度不可極

施一切所有
常以勤修學
故曰真丈夫
彼寂然心定
行精進解脫
一心不可極
今日欲入城
不可得邊崖
智德不可盡
因坐佛樹下
永安無憂感
今日釋師子

尊人以是故
布施至戒慧
逮成照忍辱
今日當入城
哀傷衆生故
已度於彼岸
其聖明道慧
假喻如虛空
緣從達衆行
降魔及官屬
道聖轉法輪
欲入王舍城

若有發道意

我當得成佛

處世逮究竟

諸相三十二

常興意無量

至誠發道心

輒歸於最勝

供養人中尊

欲斷姪怒癡

消眾塵勞穢

志降伏一切

無益瑕疵難

便宜速行詣

釋師子聖尊

奉貢眾妙養

恪心不可限

若欲生天上

天帝釋梵王

百千億諸天

所知見宗仰

常遭值安樂

在天不失時

當詣釋師子

所宣辭至真

其欲慕聖帝

主於四方域

自然致七寶

令我逮尊貴

千子諸德具

殊彀甚勇猛

常勤奉事歸

至真大尊人

若好尊者位

長者積財寶

其生業廣大

常遊得自在

眷屬悉豪貴

端正顏殊好

當詣釋師子

名好物供尊

其有已解脫

方應求度者

咸當諦聽受

大聖說寂寞

以聞甘露句

寂然無憂患

人中之尊導

音聲甚難值

於時王舍城中無央數衆聞此歎頌勸訓之

音莫不欣悅皆發道心各賣衆華諸雜妙香

幢幡寶蓋伎樂百千出城迎佛稽首足下退

從佛後世尊入城足蹈門闔地則尋時六反

震動筵篋樂器不鼓自鳴婦女珠環相揲作

聲天雨華香其下紛紛盲視聾聽瘖言跛行

病愈狂正拘躄得伸諸被毒螫毒螫不行裸

者得衣貧者得財飛鳥走獸相和悲鳴當余

之時衆生慈心無恚怒癡滅除貢高瞋恚恨
疑和悅相向如父如母如兄如弟如身如子
各各欣喜而歎頌曰

人中之上 如月盛滿 為正導師 丈夫師子

世尊入城 利益衆生 普安一切 盲聾視聽

飢飽寒温 亂者得定 貧者得富 狂邪得正

諸天在上 散雨華香 作衆奴樂 以為供養

衆生慈心 無三毒名 下心悅意 除憍慢情

如父如母 如兄如弟 如身如子 心同意并

世尊法澤 等潤十方 天人群類 解無希望

功勳如是 所現難量 十方威德 頌宣三藏

於時城中有貴姓子名棄惡遙覩世尊行步

正齊容儀端正威神光曜諸根寂定恬淡玄
默和雅其性如水澄停中表清淨猶猛師子
獸中之王如日初出照于朝陽辟月盛滿衆
星中明佛在大衆巍巍堂堂相好昞著汪汪
洋洋心懷欣悅敬進迎佛稽首足下右遶三
帀叉手自歸長跪白佛願聞菩薩為行幾法
疾達正真為最正覺從心輒成嚴淨佛國惟
垂愍哀分別具說佛言善哉棄惡菩薩乃問
如來嚴淨之德是諸菩薩衆行殊特諦聽諦
受善思儀則棄惡菩薩一切衆會莫不喜踊
一心恭敬皆前禮佛受教而聽佛言菩薩有
一法行疾成正真為最正覺從心輒成嚴淨

佛國何謂爲一心常哀愍濟度衆生興發至
真仁和道心何謂至真仁和道心曰以發道
心不行諸法何所不行曰不行三垢家業諸
利志存出家不倚衆養從心本願常崇斯法
何謂出家所崇法行曰修正真行奉一切法
何謂正真一切之法曰分別曉了陰種諸入
何謂陰種何所曉了曰有爲無爲法皆是五
陰解陰如幻所著爲名知陰本空是謂曉了
幻法本寂從對而有剖判本末不見有二不
見無念亦無妄想此乃專修奉行出家成菩
薩行不捨衆生所以者何能自調已暢達諸
法尔乃習辯爲諸衆生不得衆生亦無諸法

佛言族姓子是爲菩薩一法之行疾建正真
爲最正覺從心輒成嚴淨佛國棄惡菩薩聞
佛所說欣悅踊躍即便建得不起法忍身昇
虛空去地七仞彼時衆中覩斯變化有二千人
發無上正真道意万四千天人遠塵離垢諸法
法眼淨時佛因笑無數光色從其口出照於十
方無量世界還遶佛三匝從頂上入賢者阿
難即從座起偏袒右臂長跪叉手以偈讚佛
遊於諸法度無極
最勝至真導以力
皆了衆生化上智
惟願宣現是笑義
十力已達徃過世
愍哀亦暢將來業
悉明現在十方事
今用何故顯笑意

解於衆生之所行

今如師子覩諸心

其智慧明無等侶

惟宣衆人調御法

諸天億姪普來集

咸共叉手禮至聖

願演第一妙法音

無數衆會觀法器

其慧度無極

世俗無儔匹

皆知一切人

善惡行所趣

至人今所笑

願為分別義

當決衆疑網

普宣最尊法

今諸會大衆

巨億百千載

以法故雲集

諸比丘默然

加敬修供養

百千妓樂音

奉行靜心聽

惟願決衆疑

佛告阿難汝乃見此棄惡菩薩住空中不對
曰已見佛言阿難是棄惡菩薩却後六百二

十萬劫當成爲佛号曰寂化音如來至真等
正覺明行成爲善逝世間解無上士道法御
天人師爲佛世尊世界名安隱劫名離音其
國比如阿闍如來妙樂世界功勳嚴淨等無
有異佛歎是已乃便詣王阿闍世宮王及夫
人太子百官華香妓樂歡喜迎佛稽首足下
退在佛後佛入就坐菩薩聖衆各以次第坐
如常位王覩坐定寂靜無聲與后太子手自
斟酌百種供饍食皆飽訖行澡水畢兼施琦
寶好衣貢佛別取小牀在佛前坐專心叉手
聽受道教欲化中宮及來會者尔時王阿闍
世長跪白佛言唯然世尊瞋恨猒嫉從何所

生其愚無明從何所來。慧何所滅。佛告王曰：從其吾我生瞋恨、厭嫉、任於自大，則生其愚。不別正諦，是曰無明。見正從諦，斯則為慧。慧除衆惡，如明消冥。見正從諦，亦復如是。王重啓曰：見正從諦，願分別之。佛言：大王法本空，無從意生。形解意無，處則無去來。了一切空，是為見正。見正不轉，則曰從諦。具解如是，乃曰：為了王聞佛言，應心說法，欣然大悅。善心生焉。即便歎曰：善哉！世尊至末，曾有斯則。如來之善言教，假令我身中壽終者，心不疑亂，必能奉之。佛從座起，與諸大衆，即皆俱還於靈鷲山。勅諸直使布設衆座，請諸會人，皆令

就坐時舍利弗承佛聖旨即從座起徧袒右
臂長跪叉手而白佛言向城中棄惡菩薩所
聞微妙嚴淨佛土世尊即荅粗舉義要棄惡
尋便受佛記拜聞者解釋各獲果證意不達
者咸用瞢然惟願世尊加哀重說具敷演之
令諸菩薩堅固其行住於正道而不動轉成
一切智降魔官屬攝諸異學滅諸塵勞勸化
邪業使入正道捨小乘地轉不退輪具悉至
願利益衆生蒙嚴淨力致無限明未度者度
未成者成今現衆會族姓子女虚心樂聞惟
重散說願令法澤潤及後世加哀慈念當為
衆會今時世尊心念是法微妙殊特乃是菩

薩大士之業今當班宣不宜小會寧可現瑞
感十方世界即如所念便放其身毛孔之光
普照十方恒沙世界十方諸佛各遣菩薩神
智無量微妙明達各從菩薩百億之衆皆現
神變來入忍界見能仁佛供侍拜謁稽首佛
足各自陳曰覩佛光瑞垂恩見接憑恃四等
聽受法說我本土佛而見難曰汝曹何爲詣
忍世界忍土五逆剛強弊惡貪嫉姪妬罵詈
呪咀心多瞋毒轉相傷害麁獷懽悞張難
化勿至忍界自染勞穢我等皆復重自啓曰
力能堪任來至忍界正使遭值衆惱諸害火
燒刀割終無恨意世尊及諸正士乃能勞謙

忍誨群生願樂禮待諮受深經我本土佛乃
見遣聽重復勅曰徃族姓子從意順時牢自
持心慎勿懈疑如我本土百千劫行不如忍
世精進一日是故世尊歷恒沙界不以爲遠
願聞世尊說嚴淨經及諸正士論講要言於
是弥勒菩薩即從座起偏袒右臂長跪叉手
前詣佛所以偈歎曰
無量威德聞十方
一切衆生無能稱
十方世界恒沙國
用樂道法亦恪任
世尊名稱遍十方

光昭上下恒沙界
人中聖慧不可議
菩薩大衆爲法來
惟人中尊宣法訓
禁戒三昧智慧然

儀好無動如師子
諸天龍王及鬼神
清信士女义手任
以知過去及當來
為衆生本所應度
云何菩薩造立行
何因具足衆大願
何緣此等無貪嫉
以何為衆修勤行
何從奉行無數劫
智慧不倦脫無為
其意清定恒一心

猶若日光曜虛空
其比丘衆比丘尼
愍哀安任惟宣法
分別曉了今現在
以律開化決狐疑
國土嚴淨充所照
惟人中上宣此意
何謂禁戒無所犯
因群黎故行愍哀
用精進故勢力上
濟度衆生勤苦患
行淨脫門任禪思

修無所著如蓮華

云何立行消殄欲

從何奉行深妙業

何因志行度世法

何緣伏魔及兵衆

以降化之即成佛

於時世尊告彌勒曰布法高座如來今當普

為十方諸菩薩衆敷演往古性和佛國功勳

嚴淨願行法典彌勒受教即心念言如來何

故使我施座不令阿難目連等乎文殊師利

即知彌勒心之所念便答彌勒當知如來使

仁布座說是法時非諸聲聞緣覺之等所能

受持純為菩薩宣是法耳于時彌勒即如其

像三昧正受為佛設座高四百万里以無數

寶而校成之天繒紈縵而布其上座之光明

照此三千大千世界佛起昇座三千世界六
反震動於時如來告舍利弗菩薩有四事法
具足所願何謂為四一曰志性仁和二曰愍
哀衆生三曰精進不懈四曰一心常安習善
親友是為四法具足所願佛告舍利弗菩薩
復有一法不失所願何謂為一於是開士當
學追慕阿闍如來宿命本行菩薩道時志願
出家樂沙門行世世所生不違本誓乃能進
至得如來号無所從生是則菩薩第一之利
用捨家故得致十德一者無有貪欲放逸之
態二者常好閑居不習慣鬧三者常奉佛行
捨遠小節四者棄捐癡冥無益之法五者不

慕妻子家居恩愛六者釋置惡趣非法之患
七者攝取安樂天上善處八者未曾違失宿
命本德九者諸天愛敬常戀侍衛十者諸龍
神王常擁護之是爲十德若有菩薩不捨大
乘慕度衆生常當追樂出家之業是爲一法不
失所願隨志所好致何佛土如意輒成嚴淨
佛國是則菩薩第一善利佛告舍利弗菩薩
復有二事法不捨所願何謂爲二一曰不樂
小乘不學其行不與從事願開度之不說其
法用教化人二曰常以無上正直之道勸進
衆生令成佛法是爲二法勤心正直等誨不
倦則便逮受十功德福處何謂爲十一者攝

取佛土無小乘學二者純諸菩薩聖衆來會
三者諸佛世尊常念護之四者十方諸佛所
見歎譽稱其功德面爲說法五者發微妙心
常修正真六者不願生天帝釋梵王心常精
勤志存正道七者若生人間作轉輪王主四
天下以道教導八者所生之處不違道業常
見諸佛無上正真九者諸天人民所見愛敬
十者受不可計無量功德是爲十處所以者
何設能化度一佛國衆生之類皆令致得無
著果證不如菩薩彈指之頃勸化一人發無
上正真何況十處功德妙深隨意所欲在取
何國如願輒成嚴淨之德是爲二法不違本

願佛告舍利弗菩薩復有三法不失所願能
具功德嚴淨佛土何謂爲三一曰尊樂閑居
心習靜寂二曰常以慇勤謹護禁戒未曾闕
漏三曰常惠法施無衣食望是爲三法堅護
禁戒行菩薩業因此輒達十無畏一者能護
戒行入於城邑若至聚落心無所難二者若
在衆會說法勇猛三者入衆中飭食不恐四
者在家講誦心無所懼五者若入精舍亦無
所畏六者居在聖衆不懷怯弱七者言談說
事不以恐懼八者往奉師父及諸和尚恭恪
不慢無畏所犯九者若有所說常抱慈心心
不畏惡十者若受衣食牀卧醫藥亦無所難

是爲十又加十事乃具嚴淨何謂爲十一者
不畏惡業二者不貪親族三者不求名稱四
者不慕家種五者不妬種姓六者常知止足
七者衣食牀卧病瘦醫藥而知節限八者雖
在家居歎說道法九者諸天往造稽首禮侍
十者未曾思念非宜之想心常念佛欣然專
精無衣食意是乃具足嚴淨佛土又復十事
受德名稱何謂爲十一曰棄捨衆會不慕因
緣二曰常習燕處不思城邑三曰心存禪思
無有邪念四曰不志多事慣鬧之中五曰心
常念佛無他之思六曰不捨身安而爲危害
七曰淨修梵行未曾中礙八曰以少事故得

三昧定九曰聞所說義要妙章句識念不失
十曰如所聽經解義歸趣能爲人說是爲十
法佛告舍利弗復有四法不失所願何謂爲
四一曰菩薩所作言行相應二曰棄捐自大
三曰捨於貪嫉四曰見他人安代之恍惚是
爲四又有四事至誠諦教何謂爲四一曰所
生之處口常清淨氣優鉢香二曰言辭辯慧
無所闕漏三曰諸天世人皆保信之四曰不
失好聲必獲佛音是爲四復有四法所修訓
誨何謂爲四一曰不生三趣無憎惡者二曰
所學不慕九十六種所見迷惑三曰怨家惡
友不得其便四曰天上世間咸共歸禮是爲

四復有四法流布訓誨何謂為四一曰不捨
布施之心穀米踊貴困時惠施二曰不慕世
榮所有財業三曰往奉自歸禁戒之士四曰
若有布施不懷貪嫉是為四復有四法可悅
他人心知止足何謂為四一曰是衆生等是
為我所吾當安之二曰斯等貪財依怙身力
以為雙菩薩加哀施以所安當計財業非是
我侶常畏五分侵奪無期三曰若多財寶妻
子熾盛眷屬豐饒不以信樂不戀國土何況
他人望於衆生四曰志未曾求非業錢財行
在諸俗是為四法菩薩行是不失所願嚴淨
佛土佛告舍利弗復有五法不失所願何謂

為五一曰常樂經法勤求道義二曰知無數
世所生往返三曰以聞經法如諸佛行成就
功勳四曰所從聽經每事問義造立何行具
足疾成五曰若聞經法尋能奉行是為五法
不失所願嚴淨佛土佛告舍利弗復有六法
不失所願何謂為六一曰好喜布施心無慳
嫉以身施與不惜壽命不愛妻子男女眷屬
心無希冀不懷妄想二曰菩薩在家若出行
學寧失身命不犯禁戒謹慎守護常住梵行
興發衆生以戒勸助三曰知身假借諸法如
幻堅任忍力逆對不起設遭毒害刀杖加形
惡罵呪咀愁惱之患未曾起意而有恨心四

曰奉行精進心無所著深念非常如救頭然
行止卧覺未曾懈廢設火燒身心不退却五
曰專心守靜寂無他念六曰入無心寂伏想
不起心如灰滅形如枯朽見正從諦滅除邪
偽曉了三界如響如幻法無常名如水月形
愍哀一切勸誨衆生是爲六法如願輒成具
足功德嚴淨佛國佛告舍利弗復有七法不
失所願何謂爲七一曰一切所有而以布施
所可施者亦無所獲二曰奉戒不虧不想所
禁三曰勸於衆生不起法忍四曰以精進行
不得身心五曰成就禪定一心攝念六曰具
足智慧不懷妄想七曰常志念佛捨衆希望

是為七法所行具足嚴淨佛土佛告舍利弗
復有八法不失所願何謂為八一日所宣不
說無益之言二日以布施事用為莊嚴三日
其心柔和而無鹿獮四曰恭敬法師不懷輕
慢五曰常行謙恪下意順眾六曰性行清白
而無沾汙七曰若不持戒知報應事八曰不
自傷行不毀他人是為八法嚴淨佛土佛告
舍利弗復有九法不失所願何謂為九一日
常護身行令不虧失二曰口言謹慎而無缺
漏三曰將護其意使無邪想四曰棄去貪欲
心無所著五曰刈除瞋恚心不起恨六曰滅
愚冥業不為暗昧七曰常行至誠而無欺惑

八曰行慈堅固心不移易九曰依善知友未
曾捨遠是為九法嚴淨佛土佛告舍利弗復
有十法不失所願何謂為十一曰聞地獄苦
心懷恐懼奉修哀心二曰聞畜生苦亦復怖
懼興隨道哀三曰聞餓鬼苦亦復畏難發起
大慈四曰聞天上安亦復不喜常興大哀五
曰聞於人間穀米勇貴弊惡加害而興慈仁
六曰心自念言加勤精進悉忍眾苦乃使佛
土嚴淨無量七曰今無三苦眾惱之患八曰
使其佛土豐饒平賤九曰人民安和壽命無
限十曰皆自然生無所名屬至成無上正真
之道是為十法所願不失嚴淨佛土佛告舍

利弗菩薩執華詣如來時若詣塔寺當作是
念願使衆生心意軟淨顏貌和悅如華軟妙
形色香潔見莫不歡愛之欣悅願成佛時令
我國中香樹妙華周而普徧衣被飲食雜綵
幡蓋金銀珍寶皆自然生其土人民禁戒清
淨心意柔軟和雅其性逮深法忍神通無上
又舍利弗菩薩所爲先人後已念安一切如
父如母見人得安欣然代喜願成佛時生我
國者皆令安和無嫉妬疑恬然入定心無念
思又舍利弗菩薩護口未曾犯失不可之言
不加人物語常如法非義不出願成佛時生
我國者言辭柔和無有不可語聲八種出口

和雅又舍利弗菩薩戒。身口意善。復勸他人使行。已善。令轉相教。普及一切。願成佛時。生我國者。令身口意完淨。無漏神通。具足在所至。奉又舍利弗菩薩。所遊興隆。道化常以正真開度。男女未曾講論小乘之語。願成佛時。生我國者。不聞聲聞緣覺之行。轉不退轉。逮最正覺。令純淑行。流布無極。又舍利弗。若有菩薩。不嫉彼供。不斷他養。見人得供。代之悅豫。願成佛時。生我國者。無貪嫉名。皆獲法利。又舍利弗。若有菩薩。不自稱善。不說人短。不講衆僧。比丘。屋闕。聞見人論。有如已犯。願成佛時。生我國者。皆令清淨。不聞罪名。又舍

利弗若有菩薩慕求經道如渴欲飲志在正
真不好異法願成佛時生我國者皆樂經道
慕求正法又舍利弗若有菩薩常作音樂歌
頌佛德供養如來若塔形像以是德本勸助
學者願成佛時百千妓樂不鼓自鳴演八法
音聞皆欣悅開發道心悉獲正真又舍利弗
若有菩薩見衆生心放逸馳騁開視正要使
不憤開願成佛時生我國者使無亂志攝念
入定以禪為食衆想寂滅皆至正覺佛語舍
利弗假使如來以劫之壽咨嗟佛土成就功
勳不可究盡而譬喻之今粗為汝略舉之耳
若有聞是菩薩行德思齊慕及建志不疑亦

當成其嚴淨佛土佛告舍利弗菩薩復有三
法疾逮正覺不失所願如意即得何謂為三
一曰所願特尊與衆不共二曰所行安諦而
不放逸三曰如所聞法奉行不倦是為三舍
利弗言善哉至未曾有如來善訓道品備悉
所願成就嚴淨佛土佛告舍利弗如是如是
如余所云如來作佛積行所致不以飾辭巧
言成道放逸行者自誤入冥墮四顛倒沒生
死河求出難得若有菩薩聞是經者願樂奉
行立不放逸必當成就如上所教於是會中
八万四千菩薩即從座起叉手自歸同發聲
言我等世尊願皆奉行如佛訓教具足所願

從是得道除去飾辭放逸之巧備悉如誓戒
德之要願使一切志行敏誨以行自嚴去衆
穢操時佛欣笑口中五色光出照於十方還
繞身三帀從頂上入賢者舍利弗前白佛言
何因緣笑今佛既笑必當有意佛告舍利弗
汝寧見此諸族姓子師子吼不白言已見世
尊佛言是族姓子於後來世竟百千劫皆當
成佛号曰淨願如來至真等正覺明行成爲
善逝世間解無上士道法御天人師爲佛世
尊國土嚴淨猶如西方安養之國功勳嚴淨
等無有異其壽命等亦無差別又問云何其
壽命等亦無差別佛言各壽十劫尔時師子

步雷音菩薩即從座起偏袒右肩長跪白佛
言文殊師利童真諸佛所歎咨嗟功德今當
久如成最正覺佛言汝自以是問文殊師利
尋如佛教前問文殊師利仁尊久如當成無
上正真之道逮最正覺文殊師利荅曰當作
是問仁爲志學無上正真道乎所以者何假
使吾身學佛道者當作斯問吾不求道當何
因成最正覺又問仁不以衆生求最正覺乎
荅曰不也所以者何衆生不可得故假使吾
得衆生處所當爲衆生志求佛道所以然者
無有吾我人壽命故由是之故身無志求亦
無退轉又問仁不求佛慕佛法乎荅曰不也

所以者何一切諸法皆志佛法若使衆法無有衆漏無受因緣無想是志佛道解了若此建一切法又如仁問建立佛法隨仁意答誰求志者色志佛道乎色志本淨志佛道乎其色本無志佛道乎色自然色悉空色恍惚色本淨色寂然以此色法志求佛道成正覺乎

若曰不也色不志道本淨自然以空寂然諸色法不志求道不成正覺法亦如是文殊師利又問曰痛想行識及與識法志求佛道乎

答曰不也文殊師利曰五陰識法不成正覺於意云何其外五陰我人壽命可言有處乎

答曰不也文殊師利曰如是我當分別以何

等法志求佛道成最正覺又問文殊師利其
阿夷恬新學菩薩聞是教訓將無恐怖乎所
以者何仁之名号一切導首為衆重任而今
造證為諸菩薩班宣諸法不志求道不成正
覺文殊師利荅曰法界不恐本際不懼聞佛
說法無所畏難其恐懼者則懷憂感無憂感
者則離塵埃彼則解脫其以解脫則無所著
以無所著則無復縛以無復縛則不復脫其
不脫者彼無從來以無從來亦無從去其無
從去則無所願其無所願則無志求其無志
求則無退轉以無退轉若不退轉便不退轉
空無不轉無相不願斯本際者佛法不轉佛

法無作無有邊際佛法無著則無所徇佛法
無行亦無精進亦無所行無有教令其諸佛
法假有号耳又計空法無所從生無所從來
無所從去又計佛法不離塵勞貪怒癡垢佛
法無染塵勞之行無有吾我寂無所念所行
無念無盡不起平等無邪則諸佛法亦無非
法所以者何無處所故無可行者是曰佛法
若有新學菩薩聞是說者若恐怖者疾成正
覺若不恐怖不成正覺又問文殊為誰說是
文殊曰其恐怖者乃有妄想以有妄想心自
念言我身當得成最正覺緣是之故便起道
意志存正覺於意云何從來未曾有覺成空

不答曰無也文殊又曰世尊不云一切諸法
等如虛空答曰有是文殊又曰道猶虛空等
亦本無虛空如道道如虛空空之與道則無
有二不可分別其解斯等則無所知亦不無
慧文殊師利說此語時四千比丘漏盡意解
十二婁衆得法眼淨九万六千人從古已來
未發道心皆發無上正真道意四万二千人逮
得無所從生法忍

文殊師利佛土嚴淨經卷上

服

貫王

上音世

瑕疵

上戶加反

下疾斯反

恪

口各反

恭

相

也

渠列反

蹈踐

音盜

門闔

下苦本反

相

擦

也

作直度反
觸也
正拘躄
下脚必亦反
病也
螯音釋又呼各

裸玄魯果反
又恬惓
上徒添反
下安靜之徒敢反
澄渟

下音亭
晒著
上音丙
下直藥反
理也
汪洋
上光反

下音羊
水猗
字倚剖判
上反
七仞
高下音刃也

億姪
反下古衰
疇匹
上直流反
今退
斟酌
音上

針饒膳
反二食也
扇澡水
上洗也
琦
音奇
粗

才呂
曹然
上莫中反
挨族
古二同
上憑恃
下音


呪咀
之上助反
又正作詛
麤獷
下俱惡也
慵悞
上孔反

下零帝反
亦作統
緹
上紆阮反
下憤
俱妹
棄捐
下上棄字

也
純泐
下善也
馳騁
下奔逸也
操

土到反
恍惚
上兄往忽
象
虛

志
也
恍惚
反下音無之象



猪飼順良寄附

